

INNOVATION IQTISODIYOT

Ilmiy-amaliy elektron jurnal

ИННОВАЦИОННАЯ ЭКОНОМИКА

Научно-практический электронный журнал

THE INNOVATION ECONOMY

Electronic Scientific and Practical Journal



2025 / 6



@QMI_Institut



Qarshi shahri,
Mustaqillik ko'chasi 225 - uy



www.kstu.uz
www.ojs.qmii.uz

INNOVATION IQTISODIYOT

ILMIY-AMALIY ELEKTRON
JURNAL

3-jild
6-son
noyabr, 2025

November 2025
Volume 3
Number 6

ИННОВАЦИОННАЯ ЭКОНОМИКА
Научно-практический
электронный журнал

THE INNOVATION ECONOMY
Electronic Scientific and Practical
Journal

ISSN: 3030-315X

ojs.qmii.uz

Muassis:

Qarshi davlat texnika universiteti

Tahririyat Kengashi raisi:

R.X.Ergashev, iqtisodiyot fanlari doktori, professor

Qarshi davlat texnika universiteti

Tahririyat Kengashi raisi o'rinbosari:

S.N.Xamrayeva, iqtisodiyot fanlari doktori, professor

Qarshi davlat texnika universiteti

Mas'ul muharrir:

N.A.Ochilova, PhD, dotsent

Qarshi davlat texnika universiteti

Texnik muharrir:

F.F.Haqqulov, PhD

Qarshi davlat texnika universiteti

*Jurnal har oyda bir marotaba elektron shaklda
jurnalning rasmiy sayti orqali nashr etiladi.*

Tahririyat manzili:

180100, Qarshi shahri, Mustaqillik ko'chasi 225-uy

Tel.: +998 (75) 221 09 23

+998 (93) 902 72 63

Faks: +998 (75) 221 1395

E-mail: innoeconomic@qmii.uz

"Innovatsion iqtisodiyot" ilmiy - amaliy
O'zbekiston elektron jurnali ta'lim, fan va
innovatsiyalar Respublikasi Oliy vazirligi
huzuridagi **Oliy attestatsiya komissiyasi**
rayosatining 2025-yil 5-apreldagi 369-sonli
qarori bilan milliy ilmiy nashrlar ro'yxatiga kiritilgan

**Jurnalda quyidagi ruknlar asosida maqolalar
nashr etiladi:**

1. Nazariya va metodologiya
2. Raqamli iqtisodiyot
3. Mintaqa va tarmoqlar iqtisodiyoti
4. Kichik biznes va xususiy tadbirkorlik
5. Inson kapitali iqtisodiyoti
6. Menejment va marketing
7. Buxgalteriya hisobi, iqtisodiy tahlil va audit
8. Moliya, kredit va investitsiya
9. Ekonometrika va statistika
10. Xizmat ko'rsatish va turizm sohasi

TAHRIRIYAT KENGASHI:

Tahririyat Kengashining xalqaro a'zolari:

*Ovchinnikov Viktor Nikolayevich - i.f.d., professor, akademik (Janubiy Federal
Universitet, Rossiya)*

Solodovnikov Sergiy Yurevich - i.f.d., professor (Belorussiya milliy texnika universiteti)

Sidorov Viktor Aleksandrovich - i.f.d., professor, (Kuban davlat universiteti)

Shevchenko Igor Viktorovich - i.f.d., professor (Kuban davlat universiteti, Rossiya)

*Kusainov Xalel Xaymullievich - i.f.d., professor, akademik (Qozog'iston Respublikasi
Milliy fanlar akademiyasi)*

*Samandarzoda Iskandar Hakim - i.f.d., professor (SH.Shotemur nomidagi Tojikiston
agrar universiteti)*

*Gibadullin Artur Arturovich - i.f.n. dotsent (Milliy tadqiqot universiteti, Moskva
energetika instituti, Rossiya)*

*Voynash Sergey Aleksandrovich - i.f.n. dotsent (Qozon Volga bo'yi (federal)
universiteti)*

*Pulyayeva Valentina Nikolayevna - i.f.d. professor (Rossiya Federatsiyasi hukumati
qoshidagi moliya universiteti)*

*Morkovkin Dmitriy Yevgeniyevich - i.f.d. professor (Rossiya Federatsiyasi hukumati
qoshidagi moliya universiteti)*

*Sadriddinov Manuchehr Islomiddinovich - i.f.d., professor, (Tojikiston Respublikasi
Milliy fanlar Akademiyasi)*

*Perskaya Viktoriya Vadimovna - i.f.d., professor, (Rossiya Federatsiyasi hukumati
huzuridagi Moliya universiteti)*

*Molchanov Igor Nikolayevich - i.f.d., professor, (Lomonosov nomidagi Moskva davlat
universiteti)*

*Basova Mariya Mixaylovna - i.f.d., professor, (Rossiya Federatsiyasi hukumati
huzuridagi Moliya universiteti)*

*Chupin Aleksandr Leonidovich - i.f.d., professor, (P.Lumumba nomidagi Rossiya
xalqlar do'stligi universiteti)*

*Nezamaykin Valeriy Nikolayevich - i.f.d., professor, (Rossiya davlat gumanitar
universiteti)*

*Nikonorova Alla Vladimirovna - i.f.n., dotsent, (Rossiya Federatsiyasi hukumati
huzuridagi Moliya universiteti)*

*Dmitriyeva Olga Aleksandrovna - i.f.n., dotsent, (Rossiya Federatsiyasi hukumati
huzuridagi Moliya universiteti)*

*Shvets Yuriy Yuryevich - i.f.n., dotsent, (Rossiya Fanlar akademiyasining Nazarot
fanlari instituti)*

*Kolosova Yelena Valeryevna - i.f.n., dotsent, (Plexanov nomidagi Rossiya iqtisodiyot
universiteti)*

Tahririyat Kengashi a'zolari:

Gulyamov Saidaxror Saidaxmedovich - i.f.d., professor, akademik

Bozorov Orifjon Shodiyevich - t.f.n., dotsent

Pardayev Mamayunus Qarshiboyevich - i.f.d., professor

Vaxabov Abduraxim Vasikovich - i.f.d., professor

Navruz-zoda Baxtiyor Negmatovich - i.f.d., professor

Xatamov Ochildi Qurbonovich - i.f.d., professor

Fayziyeva Shirin Shodmonovna - i.f.n., professor

Jumayeva Gulrux Jo'raqulovna - i.f.n., professor

Egamberdiyeva Salima Raimovna - i.f.n., dotsent

Erkayeva Gulbahor Panjiyevna - i.f.n., professor

Yakubova Shamshinur Shuxratovna - i.f.d. dotsent

Amirqulov Shuhrat Olimovich - i.f.f.d., (PhD), dotsent

Samiyeva Gulnoza Toxirovna - i.f.f.d., (PhD), dotsent

Aliqulov Azamat Tuyg'unovich - i.f.f.d., (PhD), dotsent

Aminov Fazlitdin Baxadirovich - i.f.n., dotsent

Xo'jaqulova Nigora Rustamovna - i.f.f.d., (PhD), dotsent

Turobov Sherzod Alisherovich - i.f.f.d., (PhD), dotsent

Alimova Munisa Yulchiyevna - i.f.f.d. (PhD) dotsent

Ergasheva Nasiba Raxmatullayevna - i.f.f.d., (PhD), dotsent

Boboqulov Sanjar Baxromkulovich - i.f.f.d., (PhD), dotsent

Djalilov Raxmonkul Hamidovich - i.f.f.d., (PhD), dotsent

Nomazov Baxrom Bobomurodovich - i.f.f.d. (PhD) dotsent

Alimxanova Nigora Alimxanovna - i.f.f.d. (PhD) dotsent

Jonuzokov Mirzabek Kulmatovich - i.f.f.d. (PhD), dotsent

INNOVATION IQTISODIYOT

ILMIY-AMALIY ELEKTRON
JURNAL

Hududlarni iqtisodiy rivojlantirishda investitsiyalarning o'рни (Qashqadaryo viloyati misolida)

Meylikov Fazliddin Abduhalim o'g'li

Роль инвестиций в экономическом развитии регионов (на примере Кашкадарьинской области)

Мейликов Фазлиддин

The role of investment to develop regions economically (in Kashkadarya region)

Meylikov Fazliddin

Received: November 3, 2025 Revised: November 6, 2025

■ Accepted: November 11, 2025 ■ Published Online: December 1, 2025

- **Annotatsiya:** Mazkur maqolada hududlarni iqtisodiy rivojlantirishda investitsiyalarni jalb etilishining aholi turmush sifatini oshirishga ta'siri, qulay investitsion muhit yaratilishi respublikamizda investitsiya faoliyatini rivojlantirish va aholining turmush kechirish darajasi o'sishi bilan birgalikda respublikadagi umumiy vaziyat ham tahlil qilingan, hamda statistik ma'lumotlar jadvallar asosida ifodalangan. Shuningdek, hududlarni iqtisodiy rivojlantirishning sanoat korxonalarining rivojlanishi, oilaviy va kichik biznesni rivojlantirish orqali hududlar iqtisodiyotini ko'tarish hamda ishlab chiqarish hajmining o'sishida tutgan o'rnini aniqlash bo'yicha taklif va tavsiyalar ishlab chiqishdan iborat.
- **Kalit so'zlar:** Investitsiya, investitsion faoliyat, ichki investitsiya, tashqi investitsiya, investitsiya siyosati.
- **Аннотация:** В данной статье анализируется влияние привлеченных инвестиций в экономическое развитие регионов на повышение качества жизни населения, создание благоприятной инвестиционной среды, развитие инвестиционной активности в республике и рост уровня жизни населения, а также общая ситуация в республике, которая представлена в статистических таблицах. Также разрабатываются предложения и рекомендации по определению роли экономического развития регионов в развитии промышленных предприятий, развития семейного и малого бизнеса, и рост объемов производства.
- **Ключевые слова:** Инвестиции, инвестиционная деятельность, внутренние инвестиции, иностранные инвестиции, инвестиционная политика.
- **Abstract:** This article analyzes the impact of attracting investments on the economic growth in the regions, improvement of living standards, creation of favorable investments, the development of investment activity in our republic, as well as presented statistical data in tables. It also consists of developing proposals and recommendations on determining the role of regional economic development in the development of industrial enterprises, the development of family and small businesses, and the growth of production volumes.
- **Keywords:** Investment, investment activity, domestic investment, foreign investment, investment policy.

KIRISH

Rivojlangan mamlakatlar tajribasi shuni ko'rsatadiki, ularning iqtisodiy rivojlanishida faol investitsiya siyosati asosiy o'rinni egallashini ilmiy ravishda o'z isbotini topgan. Shu boisdan O'zbekistonning ijtimoiy-iqtisodiy rivojlanish maqsadlari Qashqadaryo hududining investitsiya siyosatida to'liq aks ettirilishini taqozo etadi.

O'zbekiston iqtisodiyotini modernizatsiyalash, tarkibiy qayta qurish, iqtisodiy o'sishning barqaror, yuqori suratlarini ta'minlash vazifalari iqtisodiyotimizga jalb etilayotgan investitsiyalar hajmini to'xtovsiz o'stiri hamda har bir so'mlik investitsiya eng zarur, eng ko'p samara beradigan ob'ektlarga sarflanishini talab etadi.

Iqtisodiy o'sishga erishishda nafaqat investitsiya hajmini ko'paytirish, balki ularning yo'nalishlari va tuzilmalarini to'g'ri tanlash ham muhim ahamiyat kasb etadi. Investitsiyalash uchun shunday ishlab chiqarish turlari va korxonalar tanlash lozimki, ular tezda o'zini qoplab, yuqori darajada iqtisodiy va texnologik samara bera olishlari kerak.

Mamlakatimizda qulay investitsion muhit yaratilishi respublikamizda investitsiya faoliyatini rivojlantirish va amalga oshirishning muhim asoslaridan biri bo'lib kelayotganligiga sabab bo'lmoqda. Shu o'rinda, muhtaram Prezidentimiz Sh.M.Mirziyoyevning «Eng asosiysi, bu islohotlar natijasida xalqimiz uchun farovon va munosib turmush sharoitini yaratib berishimiz kerak. Odamlarimiz yetarli daromad topishi uchun eng qulay biznes va investitsiya muhitini shakllantirib, yangi-yangi korxonalar va ish joylarini ko'paytirishimiz zarur. Bu g'oyat dolzarb ishlarni o'zimiz qilmasak, hech kim bizga chetdan kelib qilib bermaydi» [1], - deya bildirgan fikrlarini ta'kidlash lozim. Ushbu masalalarning keng tahlili hamda ularni yanada chuqurroq anglash uchun amaldagi islohotlarning natijadorligini oshirish, joylarda yangi tashabbuslarni ilgari surish aholimizning yanada faolroq, yanada tashabbuskor bo'lishi lozim.

Investitsiyalarni jalb qilish va moliyalashtirish ancha murakkab jarayon hisoblanadi. Xalqaro va milliy darajada investitsiya-larni jalb qilish va moliyalashtirishda yetarli tajribalar mavjud. Bu masalada boy tajribaga ega bo'lgan Jahon banki investitsiyaviy faoliyat olib borishda sezilarli natijalarga erishgan.

Iqtisodiyotni erkinlashtirish bosqichida iqtisodiy o'sishni jadallashtirish uchun investitsiya hajmini keskin ko'paytirish lozim bo'ladi. Yanada aniqroq aytganda, jadal va mutanosib iqtisodiy o'sish, chuqur tarkibiy o'zgarishlarni amalga oshirish va iqtisodiyotni diversifikatsiya qilishda faol va aniq yo'naltirilgan investitsiya siyosati yuritish eng muhim omil hisoblanadi.

ADABIYOTLAR TAHLILI

G.S. Vechkanov, G.R. Vechkanovalarning fikrlariga ko'ra, "Investitsiya – bu foyda olish maqsadi bilan mamlakatda yoki xorijda xalq xo'jaligining turli tarmoqlariga davlat yoki xususiy kapitalning uzoq muddatli qo'yilmalaridir" deb ta'kidlagan. [2. 448-b]

A.U.Burxanov, Sh.X.Muminov, X.X.Xudoyqulovlarning fikrlariga ko'ra "Mamlakat ijtimoiy-iqtisodiy jihatdan taraqqiy etishi, barqaror iqtisodiy o'sishga erishishi, aholi daromadlarining oshishi, turmush sharoitining yaxshilanishi aksariyat holatlarda milliy iqtisodiyotning turli soha va tarmoqlariga jalb etilayotgan investitsiya mablag'larining hajmi va tarkibiga bog'liq. Shunday ekan, har bir mamlakat ijtimoiy-iqtisodiy rivojlanish strategiyasining ustuvor yo'nalishi milliy iqtisodiyotga investitsiya mablag'larini jalb etishning jozibador muhitini shakllantirishga qaratilishi muqarrardir.". [3; 462, 33-b]

Z.Ya.Xudoyberdiyev, D.D.Rustamova, N.M.Majidovlarning fikrlariga ko'ra "Investitsiya dasturi bu respublika iqtisodiyotini barqaror va tadrjiy rivojlantirishga erishishga, tabiiy, mineral xomashyo, moliyaviy, moddiy va mehnat resurslaridan oqilona foydalanish yo'li bilan respublikani ayrim tarmoqlari va mintaqalarini tarkibiy o'zgartirishning asosiy ustuvorliklarini va strategik vazifalarini amalga oshirishga yo'naltirilgan bir-biri bilan o'zaro bog'langan chora-tadbirlar kompleksidir. O'zbekiston Respublikasi investitsiya dasturi respublikani ijtimoiy-iqtisodiy rivojlantirish bashoratlarning tarkibiy qismi hisoblanadi va davlat investitsiya siyosatining ustuvor yo'nalishlarini aks ettiradi". [4; 39-40-b]

TADQIQOT METODOLOGIYASI

Tadqiqot olib boorish jarayonida analiz-sintez, induksiya va diduksiya, iqtisodiy tahlil kabi usullardan foydalanildi. Shu bilan birga, ilmiy manbalar asosida innovatsion rivojlanishda raqamli iqtisodiyotning ustuvorliklari hamda amaliy qo'llanilish yo'nalishlari ko'rib chiqildi.

TAHLIL VA NATIJALAR

Ma'lumki, jahon amaliyotida ko'plab mamlakatlar iqtisodiy muvaffaqiyatlarga iqtisodiyotni va uning tarmoqlarini erkinlashtirish tufayli erishishgan. Hozirgi kunda O'zbekiston Respublikasida ham jamiyat hayotining barcha sohalari, shu jumladan, iqtisodiyotni erkinlashtirishga qaratilgan tadbirlar amalga oshirilmoqda. Tashqi iqtisodiy siyosatni erkinlashtirish islohotlarni amalga oshirish imkoniyatlarini

kengaytiradi, o'tish davri iqtisodiyoti masalalari yechimini tezlashtiradi. Bunday erkinlashtirishning asosiy shakllaridan biri xorijiy investitsiyalarning mamlakatga kirib kelishini kengaytirishni ta'minlashdir.

Hududlarni ijtimoiy-iqtisodiy rivojlantirishda kichik biznes va oilaviy tadbirkorlikni qo'lla-quvvatlash ham muhim yo'nalish hisoblanadi. Bu borada mamlakatimizda tadbirkorlikni rivojlantirish, ular faoliyatini qo'llab-quvvatlash hamda qonuniy manfaatlarini himoya qilishga qaratilgan chora-tadbirlar bosqichma-bosqich amalga oshirilmoqda. Jumladan, soliq tizimini isloh qilinishining, ruhsat berish tartib-tamoillarining soddalashtirilishi, tadbirkorlik sub'yektlarining moliyaviy-xo'jalik faoliyati bilan bog'liq bo'lmagan rejali tekshirishlarining bekor qilinishi kabilar shular jumlasidandir. Bundan tashqari oilaviy tadbirkorlikni qo'llab-quvvatlashga qaratilgan aniq maqsadli "Har bir oila-tadbirkor" dasturi ham qabul qilingan. [5; 205-b]

Prezidentimiz Sh.Mirziyoyevning 2025-yil 21-aprelida "Investitsiya sohasidagi natijalar bo'yicha" berilgan axborotda "Davlatimizning faol tashqi siyosati va qulay ishbilarmonlik muhiti natijasida investitsiyalar hajmi izchil o'sib bormoqda. Xususan, joriy yil birinchi chorakda 8 milliard 700 million dollardan ziyod xorijiy investitsiyalar o'zlashtirilib, o'tgan yilning shu davriga nisbatan qariyb 20 foizga o'sdi.

Bu mablag'lar evaziga energetika, metallurgiya, kimyo, farmatsevtika, transport, qishloq va suv xo'jaligi, kommunal

va ijtimoiy sohalarda ko'plab muhim loyihalar amalga oshirilmoqda. Bunda qo'shilgan qiymat va ish o'rinlari yaratishga alohida e'tibor qaratilmoqda.

Hozirgi kunda dunyoda yuz berayotgan iqtisodiy tebranishlar sharoitida har bir investor bilan yaqindan ishlab, xorijiy sarmoyalar samaradorligini oshirish zarurligi ta'kidlandi. Eng asosiysi – yangi investitsiya loyihalarini tezroq ishga tushirib, sanoat tarmoqlarini rivojlantirish va diversifikatsiya qilish hamda yuqori daromadli ish o'rinlarini yaratish muhimligi qayd etildi".

Prezidentimiz Sh.Mirziyoyevning 2022-yil 20-dekabrda Oliy Majlis va O'zbekiston xalqiga Murojaatnomasida "Iqtisodiyotga mahalliy va xorijiy xususiy investitsiyalarni ko'paytirish uchun sharoitlarni yanada yaxshilaymiz.


Biz so'nggi olti yilda investitsiyalar hajmini yalpi ichki mahsulotning 30 foizidan oshirishga erishdik.

Shu bilan birga, faol investitsiyalarni jalb qilishda xususiylashtirish va davlat-xususiy sheriklik imkoniyatlaridan to'liq va samarali foydalanish zarur.

Odamlarimiz o'z omonatlarini investitsiya qilib, yuqori daromadlarga ega bo'lsin" deb takidlad. [6]

Iqtisodiyotimizning jadal va mutanosib rivojlanib borayotgani aholi hayot darajasi va sifatini izchil oshirish uchun mustahkam zamin yaratmoqda. Budget tashkilotlari xodimlarining ish haqi, pensiya va stipendiyalar hajmi hamda aholining jon boshiga to'g'ri keladigan real daromadlar oshib bormoqda.

Kichik tadbirkorlikning yalpi hududiy mahsulotdagi ulushi



1-rasm. Kichik tadbirkorlikning yalpi hududiy mahsulotdagi ulushi

2024 yilning yanvar-dekabr oylarida O'zbekiston Respublikasida iqtisodiy va ijtimoiy sohalarini rivojlantirish uchun jami moliyalashtirish manbalari hisobidan 493,7 trln so'm o'zlashtirilgan bo'lib, 2023 yilga nisbatan 127,6 % ni tashkil etdi.

Qashqadaryo viloyatida esa 2024-yilning yanvar-mart

oylarida viloyatning asosiy kapitalini ko'paytirishga 8 675,3 mlrd. so'm miqdorida investitsiyalar kiritilib, o'tgan yilning shu davriga nisbatan o'sish sur'ati 259,8 % ni tashkil qildi, shundan xorijiy investitsiyalar 7 104,6 mlrd. so'mni tashkil etdi.

1-jadval.

Qashqadaryo viloyatida kichik biznes va xususiy tadbirkorlikning iqtisodiyot tarmoqlaridagi asosiy ko'rsatkichlari hajmi

YILLAR	2020	2021	2022	2023	2024
Sanoat (mlrd.so'm)	4562,9	4922,7	5392,4	6331,2	14155,4
Qurilish (mlrd.so'm)	4274,2	4770,2	5729,7	6821	11015,6
Bandlik (ming kishi)	921,2	930	945,1	-	-
Eksport (mln.AQSH.dol)	110,5	87	118,3	94,6	104,9
Import (mln.AQSH.dol)	161,7	91,8	12,3	228,4	436,4
Savdo (mlrd.so'm)	11943,1	5613,8	17113,7	20613	24925,1
Qishloq, o'rmon va baliq xo'jaligi (mlrd.so'm)	24231,2	29092,1	32740,7	39415,8	43296,4
Xizmatlar (mlrd.so'm)	7081,9	9312,9	10729,8	13068,7	32958,7
Yuk tashish (mln.tonna)	38,7	19,9	38,7	47,7	43,9
Yuk aylanmasi (mln.tonna-km)	1012,5	234,1	1139,4	1514,6	1332,5
Yo'lovchi tashish (mln.yo'lovchi)	255,6	75,2	296,4	333,5	335,1
Yo'lovchi aylanmasi (mln.pass.km)	8380,4	1386,4	9672	1036,5	10431,5

Qashqadaryo viloyatida 2024-yilning yanvar-dekabr oylarida kichik tadbirkorlikning yalpi hududiy mahsulotdagi ulushi 71,0 % ni tashkil etdi. 2024- yilning yanvar-dekabr oylarida 4 484 ta yangi kichik korxona va mikrofirmalar tashkil qilindi, bu o'tgan yilning shu davriga nisbatan 75,7 foizni tashkil qildi. 2024-yilning yanvar-dekabr oylarida yalpi hududiy mahsulotning 71,0 foizi (2023- yil yanvar-dekabrida 70,5

foiz) kichik biznes subyektlari tomonidan ishlab chiqarildi. Shundan 13 499,9 mlrd.so'mlik investitsiyalar (umumiy investitsiyalar hajmining 40,9 foizi) 2023-yilning shu davriga nisbatan 158,1 foizni tashkil etdi. Ushbu jadval orqali 2020-yilga nisbatan 9915,5 mlrd. so'mga ko'payganini ko'rishimiz mumkin.

3-jadval.

Qashqadaryo viloyatida 2020-2024 yillar oralig'ida asosiy kapitalga o'zlashtirilgan investitsiyalar hajmi (joriy narxlarda, mlrd. so'm).

	2020	2021	2022	2023	2024
Qashqadaryo viloyati	20557,6	17359,1	16012,8	21138	35482,5
Qarshi sh.	2062,5	3519,3	2662,3	3312,9	4571
Shahrisabz sh.	133	159	226,4	323	863,1
tumanlar					
G'uzor	4426,5	4628,3	2664,1	2648,7	3427,2
Dehqonobod	213,2	326,5	329,1	333,7	523,3
Qamashi	194,2	477,3	311,5	445,5	505,9
Qarshi	1120,3	649,4	752,4	738,3	759,1
Koson	273,4	414,7	521	624,2	486
Kitob	808,4	1064,9	1261,3	713	1095,1
Mirishkor	521,5	371,5	405,6	408,5	531,7
Muborak	3041,8	3064,1	3361,4	4083,2	5990,8
Nishon	6586,5	887,7	1821,4	4492,2	12962,4
Kasbi	344,8	420,9	447,3	858	831,4
Ko'kdala	-	-	108,7	308	482,8
Chiroqchi	297,9	403,4	527,6	681,7	744,6
Shahrisabz	165,7	585,7	331,7	461,4	949,6
Yakkabog'	367,9	386,4	280,9	705,8	758,5

XULOSA VA TAKLIFLAR

Hududga investitsiya oqimini yaxshilashda asosiy qadam to'g'ridan-to'g'ri xorijiy investitsiyalarni jalb qilish bo'yicha imkoniyatlar yaratish va investirlarga qulay shart-sharoitlarni joriy qilish.

Hududlarning iqtisodiy salohiyatini oshirishda investitsiyalarni jalb qilish maqsadida quyidagi asosiy vazifalarga e'tibor qaratish joiz:

- Viloyatning iqtisodiyot tarmoqlarini rivojlantirishga katta hissa qo'shishga qodir korxonalarni strategik investitsiya loyihalarini amalga oshirish imkoniyatlarini yaratish uchun qulay investitsiyaviy iqlim va ishbilarmonlik muhitini

shakllantirish.

- Dunyodagi yetakchi xorijiy kompaniyalarning mamlakatimizga ustuvor investitsiya loyihalarini amalga oshirishga qiziqishi oshirish orqali ko'plab investitsiyalarni jalb qilish.

- Hududlarda ishbilarmonlik iqlimini yaxshilash, mehnat unumdorligini oshirish, iqtisodiyotni diversifikatsiya qilishga qaratilgan yangi yechimlar ishlab chiqish, iqtisodiyot tarmoqlarida innovatsion investitsiya loyihalarini samarali moliyalashtirish mexanizmlarini shakllantirish, shuningdek, iqtisodiy salohiyatini yanada mustahkamlash, to'g'ridan-to'g'ri xorijiy investitsiyalar uchun yagona bozor sifatida mintaqaning jozibadorligini oshirish bo'yicha chora-tadbirlar ishlab chiqish.

Muallif haqida / Сведения об авторе / Author details

1. Meylikov Fazliddin Abduhalim o'g'li. Qarshi davlat texnika universiteti, assistent o'qituvchi / Мейликов Фазлиддин Абдухалимович Каршинский государственный техничечкий университет, ассистент преподаватель / Meylikov Fazliddin Abduhalim ugli Karshi State Technical University, assistant teacher.

► meylikovf@gmail.com

■ 0009-0005-6041-5755

Foydalanilgan adabiyotlar:

- [1]. O'zbekiston Respublikasi Prezidenti Shavkat Mirziyoyevning Oliy Majlis va O'zbekiston xalqiga Murojaatnomasi.// 24.01.2020.

- [2]. Dolan E.Dj., Lindsey D.E. Mikroiqtisodiyot. – SPb.,1994.-448 s.
- [3]. A.U.Burxanov, Sh.X.Muminov, X.X.Xudoyqulov. Investitsiya va innovatsiyalar. – T.: «Innovatsion rivojlanish nashriyot-matbaa uyi», 2021. – 33 b.
- [4]. Z.Ya.Xudoyberdiyev, D.D.Rustamova, N.M.Majidov, Investitsiyalarni tashkil etish va moliyalashtirish. O'quv qo'llanma . Toshkent. // 2011. – 39-40-b.
- [5]. F.A.Meylikov Buxoro davlat universiteti Ilmiy axboroti jurnali Ilmiy-nazariy jurnal 2024, № 5, aprel. 205-b
- [6]. O'zbekiston Respublikasi Prezidenti Shavkat Mirziyoyevning Oliy Majlis va O'zbekiston xalqiga Murojaatnomasi.// 20.12.2022.
- [6]. Stat.uz